



№ 00012370



08/04/2022

ხელშეკრულება N 2022/39
სახელმწიფო შესყიდვის შესახებ

ქ. თბილისი

შემსყიდველი: საქართველოს კულტურის, სპორტისა და ახალგაზრდობის სამინისტრო,
წარმოდგენილი მინისტრის მოადგილის იოსებ ბაღათურიას სახით,
მისამართი: ქ. თბილისი სანაპიროს ქ. N4
საბანკო რეკვიზიტები: სახელმწიფო ხაზინა, კოდი: TRESGE22;
ა/ა GE24NB0330100200165022;
საიდენტიფიკაციო კოდი 205438622

მიმწოდებელი: შპს “სენამოტორსი” წარმოდგენილი მისი დირექტორის გია ალიხანაშვილის
სახით,
მისამართი: ქ. თბილისი, აღმაშენებლის ხეივანი მე-12-ე კმ
ტელ: 995577959391
საბანკო რეკვიზიტები: სს " თი ბი სი",
კოდი TBCBGE22
ა/N: GE55TB1910336020100002
საიდენტიფიკაციო კოდი: 205222926

ერთი მხრივ - შემსყიდველი და მეორე მხრივ - მიმწოდებელი, **NAT220003927** ელექტრონული
ტენდერის აუქციონის გარეშე ჩატარების შედეგად დებენ სახელმწიფო შესყიდვის შესახებ
ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

2.1 ხელშეკრულების საგანია 10 ერთეული მიკროავტობუსის (CPV - 34100000) სახელმწიფო შესყიდვა.

2.2 საქონლის დასახელება, რაოდენობა და ტექნიკური მახასიათებლები მოცემულია მიმწოდებლის მიერ წარმოდგენილი ფასთა ცხრილში (დანართი N1).

3. ხელშეკრულების ჯამური ღირებულება

3.1 ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილის (დანართი N2) შესაბამისად და შეადგენს 1 061 480 (ერთი მილიონ სამოცდაერთი ათას ოთხას ოთხმოცი) ლარს.

3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ ყველა გადასახადს, დღგ-ს ჩათვლით.

4. ანგარიშსწორების ფორმა და ვადები

4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2 ანგარიშსწორება განხორციელდება ფაქტობრივად მიწოდებული შესყიდვის ობიექტის ღირებულების შესაბამისად, მიღება-ჩაბარების აქტის გაფორმების საფუძველზე.

4.3 მიმწოდებელთან ანგარიშსწორება განხორციელდება მიღება-ჩაბარების აქტის ხელმოწერიდან 10 სამუშაო დღის განმავლობაში.

4.4 წინამდებარე ხელშეკრულების ფარგლებში დასაშვებია წინასწარი ანგარიშსწორება ხელშეკრულების ღირებულების 100% ოდენობით, საავანსო ანგარიშსწორების მოთხოვნის შემთხვევაში „მიმწოდებელმა“ უნდა წარმოადგინოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიიდან. გაცემული უპირობო და გამოუთხოვადი საბანკო გარანტია საავანსო თანხაზე. გარანტია წარმოდგენილი უნდა იქნას ეროვნულ ვალუტაში-ლარში. უცხოური ბანკიდან ან/და სადაზღვევო კომპანიიდან საბანკო გარანტიის წარმოდგენის შემთხვევაში მასთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიის საფუძველზე საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ საქართველოს დაზღვევის სახელმწიფო ზედამხედველობის სამსახურის მიერ ლიცენზირებული სადაზღვევო კომპანიიდან გაცემული „კონტრგარანტია“ (ლარში). საბანკო გარანტია და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი). სადაზღვევო კომპანიის მიერ გაცემული გარანტია შემსყიდველი ორგანიზაციის მიერ, მიიღება მხოლოდ იმ შემთხვევაში, თუ მოცემულ სადაზღვევო კომპანიას 2020 ან 2021 წლის ფინანსური ანგარიშგების აუდიტთან დაკავშირებით მიღებული აქვს არამოდიფიცირებული (უპირობო დადებითი) აუდიტის დასკვნა, რისი ასლიც წარმოდგენილი უნდა იქნეს სადაზღვევო გარანტიასთან ერთად. ავანსის მოთხოვნის შემთხვევაში მიმწოდებელი ვალდებულია ხელშეკრულების გაფორმებიდან 5 სამუშაო დღეში წარმოადგინოს საავანსო თანხის იდენტური გარანტია, ხოლო თეთრ სიაში რეგისტრირებულმა მიმწოდებელმა წინასწარ გადასახდელი თანხის ნახევარი ოდენობის საბანკო დაწესებულების მიერ გაცემული საავანსო გარანტია, რომლის მოქმედების ვადა არანაკლებ 30 დღით უნდა აღემატებოდეს ხელშეკრულების მოქმედების ვადას.

4.5 საავანსო ანგარიშსწორების მექანიზმის გამოყენების შემთხვევაში შემსყიდველი ავანსის სახით მიმწოდებელს ჩაურიცხავს ავანსად მოთხოვნილ თანხას შესაბამისი საბანკო დაწესებულების მიერ გაცემული გარანტიის წარდგენიდან 10 სამუშაო დღის ვადაში.

4.6 დაფინანსების წყარო: საქართველოს კულტურის, სპორტისა და ახალგაზრდობის სამინისტროს 2022 წლის ასიგნებები: „კულტურის ხელშეწყობა“ (პროგრამული კოდი 33 05 02).

5. შესყიდვის ობიექტის მიღება-ჩაბარებისწესი

5.1 საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის დადებითი დასკვნის საფუძველზე.

5.2 საქართველოს კულტურის, სპორტისა და ახალგაზრდობის სამინისტროს მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს სამინისტროს ინფრასტრუქტურული განვითარების დეპარტამენტის უფროსის მოადგილე ლევან ჩირგაძე.

6. შესყიდვის ობიექტის მიწოდების ვადა და ადგილი

6.1 საქონლის მიწოდება განხორციელდება ხელშეკრულების გაფორმებიდან არაუგვიანეს 210 კალენდარულ დღეში.

6.2 შესყიდვის ობიექტის მიწოდების ადგილია: ქ. თბილისი სანაპიროს ქ. N4.

7. მხარეთა უფლება-მოვალეობები

7.1 მიმწოდებელი ვალდებულია დაიცვას შემდეგი პირობები:

7.1.1 მიმწოდებელი ვალდებულია: შემსყიდველს მოაწოდოს ხელშეკრულებაში მითითებული საქონელი წინამდებარე ხელშეკრულებით გათვალისწინებულ ვადაში.

7.1.2 უზრუნველყოს საქონლის შემსყიდველისადმი გადაფორმება და შესაბამის ორგანოებში რეგისტრაციის ხარჯების ანაზღაურება.

7.1.3 უზრუნველყოს შემსყიდველისადმი განბაჟებული და ექსპლუატაციაში არმყოფი ავტოსატრანსპორტო საშუალებების მიწოდება.

7.1.4 მიაწოდოს შემსყიდველს ნივთობრივად და უფლებრივად უნაკლო საქონელი.

7.1.5 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ მოახდინოს რეაგირება და უზრუნველყოს აღმოჩენილი ხარვეზების გამოსწორება.

7.1.6 განახორციელოს ამ ხელშეკრულებით მასზე დაკისრებული სხვა ვალდებულებები.

7.2 შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადაში.

7.3 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

8. ხელშეკრულების შესრულების კონტროლი

8.1 მიმწოდებლის მიერ ხელშეკრულებით გათვალისწინებული შესყიდვის ობიექტის შემსყიდველისათვის მიწოდებისას კონტროლის განმახორციელებელი პირი ამოწმებს და შესაბამისი დასკვნით ადასტურებს შესყიდვის ობიექტის შესაბამისობას ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2 საქართველოს კულტურის, სპორტისა და ახალგაზრდობის სამინისტროს მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს სამინისტროს ინფრასტრუქტურული განვითარების დეპარტამენტის მესამე კატეგორიის უფროსი სპეციალისტი ლევან ბუჭაშვილი.

9. გარანტია

9.1 ავტომანქანაზე გარანტია უნდა ვრცელდებოდეს მიღება-ჩაბარების აქტის გაფორმებიდან 5 წელი ძირითად აგრეგატებზე (ძრავა, ხიდი, გადაცემათა კოლოფი), 3 წელი ან 150000 კილომეტრი (რომელიც ადრე შესრულდება) სრულ ავტომანქანაზე, გარდა სწრაფცვთადი ნაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი ჯაგრისები, გადაცემათა კოლოფის გადაბმულობის ქურო, გადაცემათა კოლოფის მომჭიმი საკისარი, გადაცემათა კოლოფის გადაბმულობის დისკი და საყრდენი დისკი).

9.2 მიმწოდებელი ხელშეკრულების 9.1 პუნქტით ნაკისრი საგარანტიო ვალდებულებების ფარგლებში უზრუნველყოფს ავტომობილის დეფექტების აღმოფხვრას ახალი ქარხნული, იგივე მწარმოებლისა და მოდელის ავტომობილის ნაწილებით შეცვლით.

9.3 მიკროავტობუსების მესაკუთრის ცვლილების შემთხვევაში ახალ მესაკუთრესთან მიმართებაში მიკროავტობუსებზე უნდა გავრცელდეს მე-9 მუხლის 9.1 და 9.2 პუნქტებით გათვალისწინებული საგარანტიო პირობები.

10. ხელშეკრულების პირობების შეუსრულებლობა

10.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,02%-ის ოდენობით.

10.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების საერთო ღირებულების 5%-ის ოდენობით.

10.3 მიმწოდებლის მიერ ხელშეკრულებით ნაკისრი ვალდებულების არაჯეროვანი (ნაწილობრივ) შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა შესასრულებელი ვალდებულების ღირებულების 5%-ის ოდენობით.

10.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

10.5 მე-4 მუხლის 4.3 და 4.5 პუნქტებში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

10.6 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) შეტყობინებიდან არაუგვიანეს 1 თვის ვადისა.

10.7 შემსყიდველი უფლებამოსილია, ხოლო მიმწოდებელი თანახმაა ხელშეკრულების 10.1; 10.2; 10.3 და 10.4 პუნქტებით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან და გადარიცხოს მიმწოდებლის სახელით საქართველოს კულტურის სპორტისა და ახალგაზრდობის ანგარიშზე სახელმწიფო ხაზინაში.

11. ხელშეკრულებაში ცვლილებების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.4 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

11.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთ-ერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

11.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. ფორს-მაჟორი

12.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელმწიფო გადატრიალება და სხვ.).

12.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

12.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

12.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

13. დავები დამათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულების შესრულების გარანტია

14.1 ხელშეკრულების გაფორმებისას მიმწოდებელმა უნდა წარმოადგინოს ხელშეკრულების შესრულების შესრულების უპირობო და გამოუთხოვადი გარანტია ხელშეკრულების საერთო

ღირებულების 5% -ის ოდენობით. საბანკო გარანტია წარმოდგენილი უნდა იქნას საქართველოში მოქმედი საბანკო დაწესებულების ან სსიპ „საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიიდან.

14.2 მიმწოდებლის მიერ წარმოდგენილი ხელშეკრულების შესრულების უზრუნველყოფის საბანკო გარანტია არანაკლებ 1თვით უნდა აღემატებოდეს ხელშეკრულების მოქმედების ვადას.

14.3 მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულებების უხარისხოდ, არაჯეროვნად, არასრულად შესრულება და სხვა) შემთხვევაში, შემსყიდველი უფლებამოსილია ხელშეკრულების შესრულების უზრუნველყოფის საბანკო გარანტიის მოქმედების პერიოდში მიმართოს გარანტიის გამცემ ორგანოს(გარანტს) და მოითხოვოს ხელშეკრულების შესრულების გარანტიით გათვალისწინებული თანხა.

14.4 შემსყიდველი ორგანიზაცია მიმწოდებლის მიერ ხელშეკრულებით ნაკისრი ვალდებულებების სრულად შესრულების და მიღება-ჩაბარების აქტის გაფორმების შემდეგ მიმწოდებლის წერილობითი მოთხოვნის საფუძველზე უზრუნველყოფს ხელშეკრულების შესრულების გარანტიის დაბრუნებას.

15. ხელშეკრულების მოქმედების ვადა

15.1 ხელშეკრულება ძალაში შედის მისი ხელმოწერის დღიდან და მოქმედებს 2023 წლის 31 იანვრის ჩათვლით. მე-9 მუხლთან მიმართებაში მიღება-ჩაბარების აქტის გაფორმებიდან 5 წელი ძირითად აგრეგატებზე (ძრავა, ხიდი, გადაცემათა კოლოფი), 3 წელი ან 150000 კილომეტრი (რომელიც ადრე შესრულდება) სრულ ავტომანქანაზე, გარდა სწრაფცვითადი ნაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი ჯაგრისები, გადაცემათა კოლოფის გადაბმულობის ქურო, გადაცემათა კოლოფის მომჭიმი საკისარი, გადაცემათა კოლოფის გადაბმულობის დისკი და საყრდენი დისკი).

15.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

16. ზოგადი დებულებები

16.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

16.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

16.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

16.4 წინამდებარე ხელშეკრულება შედგენილია ქართულ ენაზე, რომლის ყოველი ელექტრონული ასლი არის თანაბარი იურიდიული ძალის მქონე.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით

შემსყიდველის მხრიდან:

საქართველოს კულტურის, სპორტისა და ახალგაზრდობის სამინისტრო
მინისტრის მოადგილე

მიმწოდებლის მხრიდან:

შპს "სენამოტორსი"
დირექტორი

იოსებ ბაღათურია -----	გია ალიბაშვილი -----
-------------------------------------	------------------------------------

დანართი 1

N	დასახელება	ტექნიკური მოთხოვნები	შემოთავაზება (ივსება მიმწოდებლის მიერ)
1	გამოშვების წელი	არანაკლებ 2021 (ექსპლუატაციაში არ მყოფი)	2022 (ექსპლუატაციაში არ მყოფი)
2	საწვავის ტიპი	დიზელი	დიზელი
3	ძრავის მოცულობა	არანაკლებ 2 200 კუბური სანტიმეტრი	2.746 კუბური სანტიმეტრი
4	გადაცემათა კოლოფი	მექანიკური	მექანიკური
5	სიჩქარეების რაოდენობა	არანაკლებ 6 საფეხურიანი	6 საფეხურიანი
6	ავტომობილის სიგრძე	არანაკლებ 5.9 მეტრი	5990
7	ავტომობილის სიმაღლე	არანაკლებ 2.6 მეტრი	2675
8	ავტომობილის სიგანე	არანაკლებ 2 მეტრი	2098
9	ავტომობილის სიმძლავრე	არანაკლებ 130 ცხენის ძალა	150 ცხენის ძალა
10	სავარძლების რაოდენობა	არანაკლებ 16 სავარძელი (მძღოლის სავარძლის გარდა)	17 სავარძელი (მძღოლის სავარძლის გარდა)
11	უკანა პარკინგ კონტროლი	+	+
12	ელექტრო შუშები (მინ. 2)	+	+
13	უკანა ხედვის ელექტრო სარკეები	+	+
14	სამუხრუჭე სისტემა ABS	+	+
15	მთლიანი სალონის კონდიციონერება	+	+
16	აუდიო სისტემა	+	+
17	ბორტკომპიუტერი	+	+
18	წინა და უკანა სანისლე ფარები/ამრეკლები	+	+
19	საჭის ჰიდროგამაძლიერებელი	+	+
20	სათადარიგო საბურავი	+	+
21	ცენტრალური საკეტი დისტანციური მართვით	+	+
22	გვერდითა სლაიდის ტიპის კარი	+	+
23	უსაფრთხოების ბალიში	არანაკლებ ორი	ორი
24	უსაფრთხოების ღვედი ყველა სავარძელზე	+	+
25	მექანიკური ხელის მუხრუჭი	+	+
26	საქარე მინის საწმენდი	+	+
27	საწვავის ავზის მოცულობა	არანაკლებ 70 ლიტრი	80 ლიტრი
28	ავტომობილის ფერი	თეთრი, რუხი, შავი, ვერცხლისფერი, ლურჯი	თეთრი, ვერცხლისფერი
29	სალონის განათება	+	+
30	საჭე	მარცხნივ (ქარხნულად)	მარცხნივ (ქარხნულად)

დანართი 2

ავტომობილის მარკა	ავტომობილის მოდელი	მწარმოებელი ქვეყანა	რაოდენობა	ერთეულის ღირებულება	ჯამური ღირ ებულება (ლ არი)
JAC	JAC HFC6601K1HD R0074(Diesel Passenger Van)	მწარმოებელი ქვეყანა : ჩინეთი მწარმოებელი კომპანია : ANHUI JIANGHUAI AUTOMOBILE GROUP CORP., LTD	10	106 148,00	1 061 480,00

შემსყიდველის მხრიდან: საქართველოს კულტურის, სპორტისა და ახალგაზრდობის სამინისტრო მინისტრის მოადგილე იოსებ ბალათურია _____	მიმწოდებლის მხრიდან: შპს "სენამოტორსი" დირექტორი გია ალიხანაშვილი _____
--	--

საქართველოს კულტურის, სპორტისა და
ახალგაზრდობის სამინისტრო
მინისტრის მოადგილე
ბალათურია იოსებ

